

Pljačke stanova i kuća i dalje predstavljaju ozbiljan problem

Pljačke stanova i kuća i dalje predstavljaju ozbiljan problem širom Bosne i Hercegovine. Agencije zadužene za sprovedbu imovinskih zakona (OHR, UNHCR, OSCE i CRPC) u saradnji sa ministarstvima unutrašnjih poslova pokreću kampanju javnog informisanja s ciljem smanjenja ovog problema.

Mnogi povratnici su bili primorani da zbog pljački plate dodatne popravke ili da čekaju na dodatnu pomoć kako bi njihove kuće ponovo bile useljive.

Cilj kampanje je da se nastavi informisati javnost o zakonskim sankcijama protiv onih koji nezakonito odnose ličnu imovinu ili sanitarne uređaje iz stanova i kuća, ili za one koji nanose štetu prilikom napuštanja tuđe imovine.

Pljačka je krivično djelo zbog kojeg se pokreće krivični postupak u skladu sa važećim krivičnim zakonom.

U skladu sa imovinskim zakonima organi vlasti koji se bave stambenim pitanjima su obavezni da po službenoj dužnosti prijave pljačku stanova i kuća sudskim vlastima.

Ako organi vlasti to ne urade, a nadležna sudska tijela ne sankcioniraju ova krivična djela na odgovarajući način, smatrat će se da time prećutno odobravaju pljačku. Ovom kampanjom javnost će se ponovno informisati o načinima kojim se može spriječiti pljačka i radnjama koje se trebaju poduzeti ako znaju da se imovina pljačka.